

# ՀԱՅԿԱԿԱՆ ՍՍՀ ԳԵՐԱԳՈՒՅՆ ՍՈՎԵՏԻ ՆԱԽԱԳԱՅՈՒԹՅԱՆ

## Ո Ր Ո Շ ՈՒ Մ Ը

### ԼՂԻՄ-ՈՒՄ ՏԵՂԻ ՈՒՆԵՑԱԾ ՎԵՐՋԻՆ ԻՐԱԴԱՐՉՈՒԹՅՈՒՆՆԵՐԻ ԿԱՊԱԿՑՈՒԹՅԱՄԲ

### ՀԱՆՐԱՊԵՏՈՒԹՅՈՒՆՈՒՄ ՍՏԵՂԹՎԱԾ ԻՐԱԴՐՈՒԹՅԱՆ ՆՈՐՄԱԼԱՑՄԱՆ ՄԱՍԻՆ

Հայկական ՍՍՀ Գերագույն սովետի նախագահությունը նշում է, որ Լեոնային Ղարաբաղի վերջին իրադարձությունների կապակցությամբ հանրապետությունում սրված իրադրությունը շարունակում է մընալ ծայրաստիճան չարված: Երևանում տեղի են ունենում չարտոնված միտինգներ, ցույցեր, երթեր: Մի շարք ձեռնարկություններում և ուսումնական հաստատություններում շարունակվում են աշխատանքի դուրս չգալը, պարապմունքների բոյկոտումը:

Վերջին օրերին հանրապետությունում ստեղծված իրավիճակը հղի է անկանխատեսելի հետևանքներով, որոնք կարող են մեր ժողովրդին հետ շարտել ձեռք բերվածից, փակուղի մտցնել, անելանելի կացության մեջ դնել:

Հայկական ՍՍՀ Գերագույն սովետի նախագահությունը խորապես մտահոգված է Լեոնային Ղարաբաղում ստեղծված դրությամբ և վճռաբար դատապարտում է հրահրված անկարգությունները, որոնք ծանր հետևանքների են հանգեցրել:

Այդ կապակցությամբ Հայկական ՍՍՀ Գերագույն սովետի նախագահությանը դիմել էին Հայկական ՍՍՀ Գերագույն սովետի մի խումբ դեպուտատներ՝ առաջարկելով Հայկական ՍՍՀ Գերագույն սովետի նստաշրջան գումարել: Գերագույն սովետի նախագահությունը նշում է, որ Հայկական ՍՍՀ Գերագույն սովետի 1988 թվականի հունիսի 15-ի լուծերորդ նստաշրջանում հենց որոշում ընդունվեց Լեոնային Ղարաբաղը Հայկական ՍՍՀ կազմի մեջ անցնելուն համաձայնություն տալու մասին: ՍՍՀ Գերագույն սովետի նախագահությունը 1988 թվականի հուլիսի 18-ի միտում քըննության առավ այդ հարցը և ընդունեց համապատասխան որոշում: Աշխատանք է ծավալված Լեոնային Ղարաբաղի Ինքնավար Մարզի էկոնոմի-

կայի, մշակույթի հետագա զարգացման ապահովման, աշխատավորների բարեկեցության բարձրացման նպատակով ՍՄԿԿ Կենտկոմի, ՍՍՀ Գերագույն սովետի նախագահության և ՍՍՀ Միմիստրների խորհրդի ընդունած որոշումների կատարման ուղղությամբ, և այդ աշխատանքի մեջ ակտիվորեն ներգրավվում են հանրապետության աշխատավորական կոլեկտիվները:

Լեոնային Ղարաբաղին առնչվող հարցերի բազմակողմանի ուսումնասիրության համար հատկապես կազմված է ՍՍՀ Գերագույն սովետի Ազգությունների սովետի հանձնաժողով, որին հանձնարարված է ուսումնասիրել ՍՍՀ Գերագույն սովետի նախագահության 1988 թվականի հուլիսի 18-ի միտում արված առաջարկությունները և դրանք պատրաստ լինելուն պես ներկայացնել նախագահության քննարկմանը:

ՍՍՀ Գերագույն սովետի նախագահության 1988 թվականի հուլիսի 18-ի որոշմանը համապատասխան, նպատակ ունենալով ապահովել Լեոնային Ղարաբաղի հարցի վերաբերյալ որոշումների գործնական իրականացումը, Ադրբեջանի, Հայաստանի և Լեոնային Ղարաբաղի կուսակցական, սովետական ու տնտեսական մարմինների աշխատանքի կազմակերպումն ու կոորդինացումը, ԼՂԻՄ է ուղարկված ՍՄԿԿ Կենտկոմի և ՍՍՀ Գերագույն սովետի նախագահության ներկայացուցիչ Ա. Ի. Վոլսկին, որն օժտված է արտակարգ լիազորություններով:

Դրա հետ մեկտեղ հանրապետության աշխատավորները մտահոգություն են արտահայտում Լեոնային Ղարաբաղի վերաբերյալ ՍՄԿԿ Կենտկոմի, ՍՍՀ Գերագույն սովետի նախագահության և ՍՍՀ Միմիստրների խորհրդի որոշումների կատարման ընթաց-

քի, այդ որոշումներով նախատեսված երաշխիքների ապահովման առթիվ: Բնակչությունը քիչ է իրազեկվում ընդունված որոշումների կատարման ուղղությամբ տարվող գործնական աշխատանքի մասին, ինչը բարեբեր հող է ստեղծում հնարավոր ամեն տեսակ ասեկոսեների տարածման և իրադրության սրման համար:

Հայկական ՍՍՀ Գերագույն սովետի նախագահությունը որոշում է.

1. Խնդրել ՍՍՀ Գերագույն սովետի նախագահությանը՝ միջոցներ ձեռնարկել արագացնելու «Լեոնային Ղարաբաղի հարցի վերաբերյալ Հայկական ՍՍՀ և Ադրբեջանական ՍՍՀ գերագույն սովետների որոշումների մասին» նախագահության 1988 թվականի հուլիսի 18-ի որոշման կատարումը և ՍՍՀ Գերագույն սովետի նախագահության միտում արված առաջարկությունների քննարկումը:

2. Խնդրել ՍՍՀ Գերագույն սովետի Ազգությունների սովետի հանձնաժողովին՝ արագացնել ԼՂԻՄ-ին առնչվող հարցերի նախապատրաստումը ՍՍՀ Գերագույն սովետի նախագահությունում քննության առնելու համար:

3. Խնդրել ՍՍՀ Գերագույն սովետի նախագահությանը և Ադրբեջանական ՍՍՀ Գերագույն սովետի նախագահությանը՝ անհրաժեշտ միջոցառումներ իրականացնել ապահովելու Ադրբեջանական ՍՍՀ տերիտորիայում հայ քնակչության անվտանգության ռեալ երաշխիքներ, նկատի առնելով, որ Հայկական ՍՍՀ Գերագույն սովետի նախագա-

հությունը իր վրա է վերցնում հանրապետությունում ադրբեջանցի քնակչության անվտանգության ապահովման նույնպիսի երաշխիքներ:

4. Նպատակահարմար գըտնել Հայկական ՍՍՀ Գերագույն սովետի առաջիկա նըստաշրջանում քննության առնել հանրապետության կուսակցական, սովետական ու տնտեսական մայրիմների կողմից ԼՂԻՄ-ի վերաբերյալ ՍՄԿԿ Կենտկոմի, ՍՍՀ Գերագույն սովետի նախագահության և ՍՍՀ Միմիստրների խորհրդի որոշումների կատարման ընթացքը:

5. Հայկական ՍՍՀ Միմիստրների խորհրդին, հանրապետության ժողովրդական դեպուտատների տեղական սովետների գործադիր կոմիտեներին՝ ներգործում միջոցներ ձեռնարկել վերականգնելու աշխատանքի նորմալ ոլթմը արդյունաբերական ձեռնարկություններում, հիմնարկություններում, կազմակերպություններում և ուսումնական հաստատություններում, աշխատավորական կոլեկտիվներին և հասարակական կազմակերպություններին լայնորեն ներգրավել պայքարելու պետական և աշխատանքային կարգապահության խախտումների դեմ:

6. Ժողովրդական դեպուտատների տեղական սովետների գործադիր կոմիտեներին և հանրապետության իրավապահ մարմիններին՝ վճռական միջոցներ ձեռնարկել ապահովելու սոցիալիտական օրինականության խտիվ կիրառումը, հասարակական կարգի պահպանումը:

Հայկական ՍՍՀ Գերագույն սովետի նախագահության նախագահ՝ Լ. ՈՍԿԱՆՑԱՆ

Հայկական ՍՍՀ Գերագույն սովետի նախագահության քարտուղար՝ Ն. ՍՏԵՓԱՆՑԱՆ,